

15 MAR 2000

AGONG TERIMA FELLOW KEHORMAT ROYAL COLLEGE OF SURGEONS IRELAND

KUALA LUMPUR, 15 Mac (Bernama) -- Yang di-Pertuan Agong Sultan Salahuddin Abdul Aziz Shah hari ini dianugerahkan Fellow Kehormat oleh Royal College of Surgeons Ireland di Istana Negara di sini.

Walaupun penganugerahan itu disampaikan oleh presiden kolej tersebut Prof Barry O'Donnell dengan diiringi naib presidennya Prof George Parks.

Menurut kenyataan yang dikeluarkan Istana Negara, adalah menjadi tradisi kolej tersebut semasa mengadakan mesyuarat luar negaranya untuk mengiktiraf sokongan negara tuan rumah dan hubungannya dengan Ireland.

"Pengiktirafan itu dibuat dengan menganugerahkan Fellow Kehormat kepada ketua negara atau kerajaan tuan rumah tempat mesyuarat tersebut diadakan," kata kenyataan itu.

Sultan Salahuddin merupakan tokoh ketujuh yang menerima anugerah tersebut selepas dua orang Presiden Ireland Mary Roinson dan Mary McAleese, Raja Bahrain Shaikh Isa Ali Khalifa, Presiden Afrika Selatan Nelson Mandela, Yang di-Pertuan Agong ke-10 Tuanku Jaafar ibni Almarhum Tuanku Abdul Rahman dan Perdana Menteri Datuk Seri Dr Mahathir Mohamad.

-- BERNAMA

NHA NMO